

Lëtzebuerg, den 17. Mee 2023

Här Fernand ETGEN  
Chamberspräsident  
LËTZEBUERG



DEMOKRATESCH  
PARTEI

Chambre des Députés  
Groupe Parlementaire

Här President,

Esou ewéi den Artikel 80 vum Chambersreglement et virgesäit, biede mir Iech, dës parlamentaresch Fro un den Här Minister fir Landwirtschaft, Wäibau a ländlech Entwécklung weiderzeleeden:

*„Weedmëllech schéngt ëmmer méi eng Raritéit an Europa ze ginn. An Däitschland ginn nach just 4 vun 10 Kéi op d'Weed. Déi aner ginn am Stall gehalen. Et ass natierlech kloer, datt et fir etlech Betriber immens käschtenopwändeg ass, fir d'Kéi all Dag, wou et geet, op d'Weed ze schécken. Och ass et net einfach, sou wéi dat fréier de Fall war, fir d'Kéi iwver d'Strooss an hir Pierch ze dreiwen. Do stellen sech ouni Zweiwel Sécherheetsfroen.*

*Doriwwer eraus huet och net all Bauerebetrib direkt Plaz beim Koustall fir seng Kéi op d'Weed ze schécken ouni se mussen ze transportéieren oder iwver d'Strooss ze begleeden. Et gött awer behaupt, datt Kéi, déi dobausse weeden, sech méi wuel fillen an datt d'Weede besser fir de Klima wier.*

*Aus deem Grond wollte mir dem Här Minister fir Landwirtschaft, Wäibau a ländlech Entwécklung folgend Froe stellen:*

- 1. Wéi vill Betriber setzen och nach haut nach heiheim op Weedmëllech? Wat ass hiren Undeel an der Mëllechproduktioun?*
- 2. Ënnerstëtzt de Ministère spezifesch Projekter, déi nees méi op Weedmëllech setzen?*
- 3. Ginn et Qualitéitsënnerscheeder téschent Weedmëllech a Stallmëllech?*
- 4. Gött et eng genee Definitioun vun deem wat präzis ënner Weedmëllech ze verstoen ass? “*

9, rue du St. Esprit  
B.P. 510  
L-2015 Luxembourg

Tel. : 22 41 84 1  
Fax : 47 10 07

dp@dp.lu  
www.dp.lu

Mat déiwem Respekt,



André Bauler  
Deputéierten



Gusty Graas  
Deputéierten